



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
Savjet za lokalni ekonomski razvoj (SLER)
Živinice, 25.02.2020.godine

ZAPISNIK

Sa sastanka SLER-a, održanog 25.02.2020. godine, sa početkom u 9 sati u prostorijama Grada Živinice (Sala za sastanke).

Sastanku prisutni članovi SLER-a, predstavnici Udruženja poslodavaca Živinice i predstavnici MŠC Živinice, JU Gimnazija Živinice i predstavnici Biroa za zapošljavanje Živinice, a prema listi sa potpisima koja je u prilogu.

Na sastanku je razmatran sljedeći dnevni red:

1. Upis učenika u strukovne srednje škole prema potrebama privrede u školskoj 2020/2021 iskazanim na osnovu rezultata anketiranja iz 2019 godine od strane Federalnog zavoda za zapošljavanje
2. Obavljanje praktične nastave učenika MŠC Živinice kod privrednih lica

Sastanak je otvorio Gradonačelnik, te nakon uvodnog obraćanja upoznao prisutne da je se SLER-u obratilo Udruženje poslodavaca sa zahtjevom da se u programu upisa učenika u srednju mješovitu školu Živinice povede računa o potrebama realnog sektora za odgovarajućim zanimanjima, te da je to bio povod da se upriliči zajednički sastanak.

Za riječ se prvo javio pomoćnik direktora MŠC Živinice, Nevres Salihović i u najkraćim crtama upoznao prisutne sa stanjem u školi, podsjetio da je prošlogodišnja inicijativa privrednika u potpunosti uvažena prilikom izrade plana upisa, te zahvalio na podršci u održavanju praktične nastave za učenike starijih razreda strukovnih zanimanja u privrednim društvima, te zamolio da se ova praksa nastavi i dalje.

Ispred privrednika javili su se Faruz Tulumović (Aluplastik doo), Zijad Selimović (Disk doo i predsjednik udruženja poslodavaca Živinice), Safet Dervišević (Kera Disk doo) i Abid Kikić (Eminal doo) iznijevši svoje potrebe i svoje pozitivne primjere sa praksom učenika nakon koje je značajan broj njih ostao da radi u ovim firmama. Međutim, Safet Dervišević i Kikić Abid iznijeli su niz problema u vezi zapošljavanja osoba sa biroa za zapošljavanje, te negativnih iskustava sa licima koja su odbijala ponuđene poslove, te postavili pitanje da li se može ustrojiti evidencija tako da na Birou budu samo oni koji zaista traže posao, a ne i oni koji su tu zbog socijalnih davanja.

Predstavnik Biroa, Amir Selimović dao je objašnjenje problematike sa kojom se oni susreću u svom radu a u vezi osoba koje odbijaju poslove i koje bi trebalo brisati sa evidencije, te istakao s druge strane pozitivne strane u radu Biroa – da su u mogućnosti za svako zanimanje dati listing evidentiranih osoba, kao i njihovu polnu, starosnu, radno iskustvenu strukturu. Također je upoznao prisutne da će uskoro biti ponovno otvoren poziv za sufinansiranje zapošljavanja i samozapošljavanja osoba sa Biroa. Nadalje, gđin Selimović je istakao da je Federalni zavod za zapošljavanje u toku 2019 godine proveo anketu potreba privrednika sa područja grada Živinice metodom slučajnog odabira te da su rezultati anketiranja pokazali da je izražena potreba za radnicima KV i SSS Stolarske, Građevinske, Metalske Elektro struke, vozača u međunarodnom transportu kao i radnicima VSS Građevinskih, Mašinskih inženjera, Elektro inženjera. U konačnici, gđin Selimović je istakao da je ovom anketom obuhvaćen samo jedan manji broj (do nekih 40-tak) kompanija sa područja grada Živinice, te da bi udruženje poslodavaca trebalo uraditi jednu anketu među svojim članovima što bi trebalo dati realniju sliku stvarnih potreba tržišta rada.

Gradonačelnik je ponovno uzeo riječ i pozvao poslodavce da problem upošljavanja rješavaju i kroz programe volontiranja koje provodi Grad Živinice.

Safet Dervišević se ponovno javio i istakao da je imao i pozitivno i negativno iskustvo sa programom volontiranja, a Zijad Selimović da je način prijave na poziv za sufinansiranje zapošljavanja i samozapošljavanja veoma komplikovan i ne daje dovoljno šanse svima koji bi ga koristili.

Riječ je uzela Indira Džeko, pomoćnik Gradonačelnika i zamolila da fokus diskusije vratimo na obrazovanje, a da problematiku Biroa ostavimo za sljedeći sastanak, te da za istu detaljnije pripremimo.

Abid Kukić se ponovo obratio i predložio da svi moramo raditi na promjeni svijesti o ulozi poduzetnika i njihovom odnosu prema uposlenicima, a Faruz Tulumović da bi i JLS trebala dati svoj doprinos u ovim procesima kroz materijalnu podršku praktičnoj nastavi.

Gradonačelnik je u konačnici predložio sljedeće zaključke, koji su prihvaćeni:

- Udruženje poslodavaca se obavezalo da će uraditi anketu među poslodavcima za struke koje su im deficitarne, kako bi srednjoškolski centri mogli da rade na osposobljavanju takvih kadrova kroz plan upisa učenika u srednje škole za narednu godinu
- Udruženje poslodavaca će dostaviti spisak firmi koje su spremne primiti učenike na obavljanje stručne prakse u njihovim firmama, a predstavnici JU MŠS će obići iste i sa svakim sačiniti konkretan plan broja učenika, vrsta zanimanja, rasporeda radnih dana – sati praktične nastave.
- Grad Živinice će u narednom periodu napraviti Dan otvorenih vrata za poslodavce i osobe koje traže posao, u cilju razmjene informacija ponude i potražnje na tržištu rada, odnosno mogućnostima zaposlenja u Gradu Živinice.
- Grad Živinice i privrednici će iznaći finansijska sredstva za podršku za obavljanje praktične nastave u školskoj radionici (prvi i drugi razredi strukovnih škola) neophodnih za sitne alate i repromaterijal.
- Radit će se i na boljem odnosu između poslodavaca i Biroa za zapošljavanje, što će biti tema jednog od narednih sastanaka.
- Svi akteri će uložiti napore na poboljšanju poslovnog ambijenta i odnosa poslovnog sektora i zajednici.

Sastanak je završen u 11 sati.

Zapisnik sačinio:
Admir Aljić